



ATASSUT INATSISARTUNI

25. juli 2016

UKA2016 / 82

Matumuuna Inatsisartut suleriaasianni § 33 naapertorlugu Inatsisartut aalajangiiffigisassaattut siunnersuut saqqummiunneqarpoq:

Inatsisartut aalajangiiffigisassaattut siunnersuutigineqarpoq, Naalakkersuisut peqquneqassasut danskit inatsisit attortinneranut ministerianut attaveqassasut Kalaallit Nunaanni Eqqartuussiveqarneq pillugu inatsip allanngortinneqarnissaa pillugu.
Allannguut periarfissaqaqtitsilissaq hashimik pinerluttoqarsimatillugu aamma allatigut peqqarniitsumik pinerluttoqarsimatillugu, politiit ilisimannittunik illersuinissannut, taamaaliornikkut unnerluussamut taassumallu illersuisuanut ilisimannittup aqqanik kalerriussinngissinnaallutik.

(Inatsisartunut ilaasortaq Steen Lynge, Atassut)

Tunngavilersuut:

Nunatsinni inuaqatigiinni hashimik pinerluuteqartarneq ajornartorsiutaavoq annertooq. Hashimik pinerluuteqartarneq inuttut annertuunik sunniuteqartarpoq aammalu inuaqatigiinnut annertuumik aningaasartuutaasarluni. Hash peqqissutsimut innarliisinnaavoq. Inuaqatigiinnut aamma hashimik pinerluuteqartarnerit akiorniarneri aningaasartorfiusorujussuuvoq, taamatulli pinerluuteqarnermut akiuniarnermi sakkussat naammangippata, taava akiuniarluni sorsunnermi inuaqatigiit ajorsartunngortinneqassapput.

Ullutsinni misilitakkat ilisimasallu ersersippaat, inuaqatigiit taamatut pinerluuteqartarnermut akiuniarnissamut naammattunik sakkussaqannginneri, tamatumallu kingunerisaanik suli inuaqatigiinni annertuumik aningaasartuutaavoq. Kalaallit Nunaata aningaasarpaaluit annaasarpai, aningaasammik ikigisassaangitsut nunatsinniit aniatinneqarmata. Taamaattumik pisariaqarpoq, pissarsiaqarnarnerpaamik akiuniarnerup ingerlanneqarnissaanut akiuniarnissamut sakkussat ataavartumik tulluarsarneqartarnissaat.



ATASSUT INATSISARTUNI

Arlaannaatigulluunniit Atassummi akuersaarsinnaanngilarput hashimik pinerluuteqartarneq, taamaattumik aamma pingasunik siunnersuuteqarpugut hashimik pinerluuteqartarnerup akiorniarnerata pissarsiaqaataalluarnissaa.

Atassutip siunnersuut manna siunnersuutigivaat, peqqarniitsumik pinerlunnermut ilisimannittut imaluunniit unnerluutiginnittut kinaassutsimik isertuussisinnaasariaqarmata unnerluussamut taassumallu illersuisuanut.

Kalaallit Nunaanni Danmarkimisulli ullumikkut arlaatigut pisoqartillugu ilisimannittup kinaassusaanik isertuussisoqarsinnaasarloq unnerluussamut, allaallumi unnerluussap illersuisuanut pinerluttoqarsimaneranik paasiniaanermi aamma ilisimannittup kinaassusaa isertuunneqarsinnaasarloq. Ilisimannittut kinaassusaannik isertuussinissamulli perarfissat Danmark-imi annertunerupput Kalaallit Nunaanni perarfissanut sanilliullugu - pingaartumik piffissami unnerluutiginninnermiit eqqartuussutissamik aalajangiiniarnermi.

Kalaallit Nunaanni innuttaasut amerlasoorpassuit inunnik hashilerinermi tunuliaqtaasunik nalunngisaqartarput, ilisimannittulli taakku ilisimannittutut imaluunniit unnerluutiginnittutut nalunaarnissaminnut tunuarsimaartarput, unnerluutigisap toqqarlugu naapinnissaa sapertaramikku.

Ilisimannittut arlallit unnerluutiginninnissaminnit imaluunniit suliani ilisimannituunissaminnit tunuartertarput, arlaatigut imminut kingunipiloqarnissaa ersigalugu.

Kalaallit Nunaata kissaatigunikkut hashimik niueruteqartarnerup aammalu peqqarniitsumik pinerluuteqartarnerup unitsinnejarnissaa, taava pisariaqarpoq unnerluutiginnittartut aammalu ilisimannittut pitsaanerusumik illersorneqartarnissaat.

Politiit inuiaqtigiillu ataatsimut hashimik akiuiniarnermut pisariaqartitaannik sakkussaqassappata, taava pisariaqarpoq Kalaallit Nunaanni Eqqartuussiveqarneq pillugu inatsisip allangortinneqarnissaa. Allannguinerup malitsigissavaa unnerluutiginnillutik oqartussat ilisimannittup kinaassusaannik illersuisunut isertuunneqarsinnaalernissaa.



ATASSUT INATSISARTUNI

Pisortat aningaasatigut allaffissornikkullu kingunerisassaat:

Siunnersuut Namminersorlutik Oqartusanut aningaasartorfiunissa naatsorsuutigineqanngilaq, allaffissornermi atugassarititat atorneqartariaqartussaasut sulinermi ukiup iluitsup affaatut piffissamik atuinermi annertunerusinnaanissa naatsorsuutigineqarsinnaanngilaq, tassani ilanngullugu Naalakkersuisut aalajangiiffigisassatut siunnersummiq saqqummiussinissaat Namminersorlutik Oqartussat Kalaallit Nunaanni Eqqartuussiveqarneq pillugu Inatsisip allangortinneqarnissaanut oqaaseqaammik.

Eqqartuussiveqarnermi pissutsinik allannguineq naatsorsuutigineqarsinnaavoq kalaallit eqqartuussiveqarfiini atugassarititaasut iluanni suliassaqarnerutitsisinnaanera naatsorsuutigineqarsinnaavoq, eqqartuussiviit isummertussaasarneri eqqarsaatigalugit, ilumut kinaassutsimik isertussiilluni ilisimasalittut paasissutissanik ingerlatitsinissamut tunngavissaqarnersoq.

Innuttaasunut aningaasatigut allaffissornikkullu kingunerisassaat:

Naatsorsuutigisatut eqqartuussiveqarnermi pissutsinik allannguinermermi innuttaasut periarfissinneqassapput pissutsini aalajangersimasuni kinaassutsimik isertuussilluni ilisimasalittut paasissutissiinnaaneq. Tamatumap kingunerisinnaavaa - ilumut ilisimannittup kinaassusaannik isertuussineq piviusungortinneqarsinnaapput - ilisimannittup annertunerusumik toqqisisimalernissa, aammalu inunnik hashimik tuniniaasartunik unnerluutiginnissinnaanermut kajumissutsip annertusisinnaanera.

Taamaattorli aamma innuttaasut inatsisitigut innarlitsaalisaaneri ajorseriaateqarsinnaavoq, eqqunngitsunik ilisimasalittut paasissutissiissutinut illersorsinnaaneq, soorlu eqqunngitsumik unnerluussaasinnaanerit.



ILANNGUSSAQ

**Ilisimannittutut nalunaajaasartut illorsorneqarneranni danskit eqqartuussiveqarnermut
inatsisaanni malittarisassat aammalu Kalaallit Nunaanni Eqqartuussiveqarneq pillugu
inatsimmi malittarisassat assigiinngissutaat**

Pinerluttoqarsimanerani paasiniaanermi

Kalaallit Nunaat

Kalaallit Nunaanni unnerluussisussaatitaasut ullumikkut aallaaviusumik pisussaaffigivaat pinerluttoqarsimanerani paasiniaanermi illersuisut pisinnaatinneqartarpot paasissutissat politiinit pissarsiarineqarsimasut ilisimassallugit, soorlu aamma illersuisoq aallaaviusumik pisinnaatitaavoq pinerluttoqarsimanerani paasiniaanerup ingerlanera pillugu ilisimatinneqartarnissani soorlu killisiuinerit, illuatungeriit aporaanneri aammalu assinik saqqummiussinerit pillugit, taamaasiornikkut illersuisoq periarfissaqartitaalluni naajuunnissamut. Tamanna aalajangersarneqarnikuovoq Kalaallit Nunaanni Eqqartuussiveqarneq pillugu inatsimmi § 340, imm. 1 aamma 3-mi. Suliali paasiniaaffigineranut imaluunniit pingajuusumut (soorlu ilisimannittumut) qajassuussinerup pisariaqartilissappagu, aalajangersakkat pineqartut avaqqunneqarsinnaapput, imaluunniit politiit illersuisoq peqqusinnaavaat politiinit paasissutissanik pissarsiarisimasanik ingerlatitseqqinqinnissaq. Tamanna aalajangersarneqarpoq Kalallit Nunaanni Eqqartuussiveqarneq pillugu inatsimmi § 340, imm. 4-im. Eqqartuussiveqarneq pillugu inatsimmi § 340, imm. 4-im aalajangersakkat taamaasillutik periarfissiippot ilisimannittup kinaassusaannik unnerluussamut isertuussisinnaaneq, ilisimannittumut qajassuussinissap immikkut ittumik tamanna pisariaqartinneqassappat, assersuutingalugu ilisimannittumut akiniaanerminik ernumassuteqartoqarsinnaappat.

Danmark

Aamma Danmarkimi unnerluussisussaatitaasut aallaaviusumik pisussaatitaapput pinerluttoqarsimanerani paasiniaanermi illersuisut pisinnaatinneqartarpot paasissutissat politiinit pissarsiarineqarsimasut ilisimassallugit. Illersuisoq aallaaviusumik pisinnaatitaavoq pinerluttoqarsimanerani paasiniaanerup ingerlanera pillugu ilisimatinneqartarnissani soorlu



ATASSUT INATSISARTUNI

killisiuinerit, illuatungeriit aporaanneri aammalu assinik saqqummiussinerit pillugit, taamaasiornikkut illersuisoq periarfissaqartitaalluni naajuunnissamut. Tamanna danskit eqqartuussiveqarneq pillugu inatsimmi § 729 a, imm. 3-mi, aamma § 745 d-imi takuneqarsinnaavoq.

Eqqartuussivilli politiinit qinnuvigineqarneq naapertorlugu aalajangersinnaavoq (takuuk § 729 c), illersuisoq unnerluussallu allagaatinik takunnissinnaatitaaneri avaqqunneqarsinnaapput, avataaniit pissaanillit, naalagaaffiup isumannaannera, suliap paasineqarnissaa pillugu imaluunniit pingajuusup inuuneranut peqqissusaanulluunniit imaluunniit pinerluttoqarsimanerani paasiniaalluni suliamut ingerlaartumut aamma sakkortuumik inatsimmik unioqqutisoqarsimanermi qajassuussisariaqarnerit pillugit. Imaluunniit pisariaqartinneqassapput politiit pinerluttoqarnermi paasiniaariaasiinik illersuiniarluni paasissutissanik oqaatigeqqusaanngitsunik illersuiniarneq pillugu.

Eqqartuussivilli taamatut aalajangersinnaatitaanngilaq, unnerluussap illersorneqarsinnaaneranut arlaatigut nangaanartoqarsinnaappat.

Danskit eqqartuussiveqarneq pillugu inatsisaat § 729 c aalajangersakkami (§ 729 a, imm. 4-mi) taperserneqarpoq, politiit periarfissinneqarneratigut illersuisup politiinit paasissutissanik pissarsiarisimasaminik ingerlatitseqqinqinnissaanik peqqusisinnaaneranik. Tamanna pisinnaavoq avataaniit pissaanillit, naalagaaffiup isumannaannera, suliap paasineqarnissaa pillugu imaluunniit pingajuusup inuuneranut peqqissusaanulluunniit imaluunniit pinerluttoqarsimanerani paasiniaalluni suliamut ingerlaartumut aamma sakkortuumik inatsimmik unioqqutisoqarsimanermi qajassuussisariaqarnerit pillugit. Peqqusineq annertusissusilerneqarsinnaavoq unnerluussaq pingaarnertut isumaqtigiinniarnermi nassuaateqareernissaata tungaanut.

Taamaasilluni pinerluttoqarnerani paasinianeremi ilisimannittut kinaassusaannik isertuussisinnaanermut maleruagassat Kalaallit Nunaanni atuuttinneqartut Danmarkimi maleruagassaniit allaanerugaanngillat.



ATASSUT INATSISARTUNI

Paasissutissanik ingerlatitseqqinnginnissamut illersuisup peqquneqarnera tassa kisimi annertussusilerneqarsinnaavoq unnerluussaq eqqartuussivimmi nassuaateqareernissaata tungaanut, aamma eqqartuussisup politiinit paasissutissat ingerlateqqinneqarsimasunik takunnissinnaaneranut killilersuutit kingusinnerpaamik atorunnaarsinneqassaaq eqqartuussisut isumasioqatigiinnerat sioqqullugu.

Unnerluussisussaatitaasut unnerluussisarneri

Kalaallit Nunaat

Unnerluussisussaatitaasut unnerluussummik allakkiooreeraagata, taava unnerluussisussaatitaasut tamanna eqqartuussivimmut tunniuttarpaat. Unnerluussummik allakkiap tunniunneqarnerani aamma suliamut attuumassuteqartut allagaatit tunniunneqassapput aammalu ilisimannittutut nalunaarsorsimaffik suliap ingerlaneqarnerani saqqummiisussat, uppermarsaatitullu allat patsisigineqarsinnaasut.

Piffissap taamaasinerani unnerluussaq illersuisoqareersimappat, taava aamma politiit ilanggullugu unnerluussummik allakkiaq, uppermarsaatit nalunaarsorsimaffiat aammalu suliamut attuumassuteqartut allagaatit illersuisumut nassiuressavai. Illersuisoq aatsaat eqqartuussivimmit illersuisussangortinneqarpat unnerluussummik allakkiap tiguneqarnerani, taava eqqartuussiviup suliamut paasissutissatut atugassiat illersuisunngortinneqartumut nassiuressavai. Maleruagassat tassunga tunngasut Kalaallit Nunaanni Eqqartuussiveqarneq pillugu inatsit §§ 443-444-imiippuk.

Danmark

Aalajangersakkalli pineqartut allaassutigivaat danskit eqqartuussiveqarneq pillugu inatsimmi aalajangersakkat (§ 838). Ilaatigut tassani aalajangersarneqarluni, uppermarsaatit nalunaarsorsimaffisa illersuisumut nassiuunneqartussat, adressinik imaqannginnissaat, ilaatigut unnerluussisussaatitaasut illersuisoq peqquneqarsinnaavoq ilisimannittup najugaqarfianik imaluunniit atianik, atorfianik najugaqarfianillu unnerluussamut ingerlatitseqqinnginnissaanik, unnerluussisussaatitaasut eqqartuussivimmut qinnutigissappassuk, paasissutissat pineqartut



ATASSUT INATSISARTUNI

unnerluussamut ingerlateqqinneqannginnissaat. Illersuisup tamanna peqquneqarneq eqqartuussisunut ingerlateqqissinnaavaa.

Eqqartuussutissamik aalajangiiniarnermi

Kalaallit Nunaat

Eqqartuussutissamik aalajangiiniarnermi unnerluussaq aallaaviusumik pisinnaatitaavoq ilisimannittut killisiorneqarneranni najuussinnaaneq. Kalaallit Nunaannili Eqqartuussiveqarneq pillugu inatsimmi § 458-mi aalajangersarneqarnikuovoq, eqqartuussisut aalajangersinnaasut, unnerluussap ini eqqartuussiviusoq qimakkallassagaa, ilisimannittup imaluunniit unnerluussaaqataasup killisiorneqarnerani, tamanna pisinnaavoq ilisimannittup nangaassuteqarnani nassuaateqarsinnaanerata pisinnaanera qularutigineqarpat. Unnerluussaq ilisimannittup imaluunniit unnerluussaaqataasup killisiorneqarnerani peqataasinnaatitaanngippat, taava unnerluussaq kingornatigut ilisimatinneqartussaavoq kina/kikkut nassuaateqarsimanersoq/-sut aammalu nassuaat sunik imaqarsimanersoq. Eqqartuussiviup aalajangissavaa, killisiunermi nassuaat tunniunneqarsimasoq unnerluussap nammineq nassuaateqarnera sioqqullugu imaluunniit kingornatigut pissanersoq.

Danmark

Tassuunakkut immikkoortoq Kalaallit Nunaanni Eqqartuussiveqarneq pillugu allaanerussuteqarpoq danskit eqqartuussiveqarneq pillugu aalajangersagaannit (§ 856) eqqartuussilluni sulinerup nalaani unnerluussap ilisimannittut killisiorneqarneranni peqataasinnaanera imaluunniit tassunga atatillugu ilisimatinneqassanersoq.

Aamma tassani atuuppoq, eqqartuussiviup aalajangersinnaanera unnerluussap ini eqqartuussiviusoq qimassaneraa, ilisimannittup unnerluussaaqataasulluunniit killisiorneqarnerani, pissutsit immikkuullarissut ilisimannittup nangaassuteqarnani nassuaateqarsinnaanerata pisinnaanera qularutigineqarpat. Aamma tassani atuuppoq, unnerluussaq inimut eqqartuussiviusumut iseqqippat, ilisimatinneqassamat kina/kikkut nassuaateqarsimanersoq/-sut aammalu nassuaatip suut imarisimanerai.



ATASSUT INATSISARTUNI

Taamaattorli § 856, imm. 2-mi aalajangersarneqarpoq, eqqartuussiviup aalajngersinnaagaa,

- 1) ilisimannittup najugaa unnerluussamut ilisimatinneqannginnissaa, ilisimannittumut pingaarutilimmik qajassuussisariaqarnerup pisariaqartippagu, imaluunniit
- 2) ilisimannittup atia, suliffia aamma najugaa unnerluussamut ilisimatinneqannginnissaa, ilisimannittumut pingaarutilimmik qajassuussisariaqarnerup pisariaqartippagu. Eqqartuussiviup ilanngullugu aamma aalajangersinnaavaa, unnerluussap ini eqqartuussiviusoq qimassagaa, ilisimannittup killisiorneqarnerani.

Eqqartuussivilli ilisimannittup najugaa / atia, suliffia aamma najugaa unnerluussamut ilisimatinneqannginnissaa aatsaat pisinnaavoq, tamanna unnerluussap illersorneqarneranut sunniuteqannginnissaa naatsorsuutigineqarpat. Taamatut killilersuineq pingaaruteqarpoq, nalinginnaasumik ilisimannittup kinaassusaannik isertuussinissamut aalajangiisinnaaneq pisinnaasarpoq nalaatsornerinnakkut ilisimannittut pineqaraagata, tassa imatut paasillugu, inuit unnerluussamut ilisarisimannittuunngitsut, nalaatsornerinnakkullu pinerlunnermut isiginnaartuuusimappata imaluunniit pinerluttuliornermi eqqugaasuuppata.

Eqqartuussiviup ilisimannittup kinaassusaannik isertuussinissamut aalajngersaanera illersuisup ilisimannittup nassuaateqarnerani najuunnissaanut pisinnaatitaaneranut sunniuteqanngilaq, ilisimannittumut apersuinissamut aammalu ilisimannittup kinaassusiannik paasinninnissamut.

Unnerluunneqartoq ilisimannittup killisiorerani peqataasinnaatitaasimangippat, taava kingornatigut eqqartuussisut isertuussinissamik aalajangersimappata ilisimannittup najugaa / atia, suliffia aamma najugaa unnerluunneqartumut ilisimatitsissutigineqassanngillat.

Unnerluutigineqartup taamaasilluni ilisimannittup nassuaataata oqaluttuarinera pisinnaavaa.